

ACTA DA SESIÓN EXTRAORDINARIA DA XUNTA DE GOBERNO LOCAL REALIZADA O DÍA 7 DE NOVEMBRO DE 2025

PRESIDENTE:

O alcalde en funcións D. Rubén Vázquez Pérez (Resolución da Alcaldía núm. 1024/2025, de data 31 de outubro)

ASISTENTES:

D^a Patricia Esther Espiñeira Galán
D. Manuel Castro Uzal
D. Raúl Varela Fraguio

NON ASISTEN:

D^a Diana Piñeiro Fernández
D. Omar Gonzalo Lamela Vázquez

INTERVENTOR ACCIDENTAL:

D. Fernando Manuel Garrido Negreira

SECRETARIA XERAL:

D.^a Pilar María Pastor Novo

No despacho de Alcaldía do Concello de Cambre (A Coruña), sendo as trece horas e trinta minutos do día sete de novembro do ano dous mil vinte e cinco, reúnese a Xunta de Goberno Local, en primeira convocatoria, co obxecto de celebrar sesión extraordinaria baixo a Presidencia do Sr. alcalde en funcións D. Rubén Vázquez Pérez (Resolución da Alcaldía núm. 1024/2025, de data 31 de outubro), e coa asistencia dos/a Sres./a concelleiros/a D^a Patricia Esther Espiñeira Galán, don Raúl Varela Fraguio e D. Manuel Castro Uzal.

Non asiste á sesión a Sra. alcaldesa D^a Diana Piñeiro Fernández e o Sr. concelleiro D. Omar Gonzalo Lamela Vázquez.

Asiste á sesión o interventor accidental, D. Fernando Manuel Garrido Negreira, e actúa como secretaria a secretaria xeral do Concello, D.^a Pilar María Pastor Novo, que dá fe do acto.

A Presidencia, tras comprobar nos termos expostos que se dá o quórum legalmente esixido polo artigo 133.1.b) do Regulamento orgánico municipal para a válida celebración das sesións, declara aberta a sesión, pasándose ao estudo e exame dos asuntos incluídos na orde do día da convocatoria.

1. PROPOSTA RELATIVA Á ADXUDICACIÓN DO CONTRATO MENOR PARA A "SUBMINISTRACIÓN, MONTAXE CON ANCORAXE Á SUPERFICIE E DESMONTAXE DUNHA CARPA A DÚAS AUGAS DE 15X20 METROS NO PATIO EXTERIOR DO CEIP GRAXAL". EXPEDIENTE NÚM. 2025/C002/000033

A Presidencia somete a debate e consideración da Xunta de Goberno Local a proposta do concelleiro delegado da Área de Economía, Facenda, Contratación, Réxime Interior e Desenvolvemento Económico de data 5 de novembro de 2025 (CVD: F6Vtl+EyUp8vRcVdJqYv), que transcrita di:

«PROPOSTA DO CONCELLEIRO DELEGADO DA AREA DE ECONOMÍA, FACENDA, CONTRATACIÓN, RÉXIME INTERIOR E DESENVOLVEMENTO ECONÓMICO PARA A XUNTA DE GOBERNO LOCAL

Vista a proposta e informe de necesidade de data 17 de outubro de 2025 (CVD: iWPvpEo3kVegdyBjCllv), asinado polo Concelleiro delegado da Área de Turismo, Patrimonio, Sanidade, Deportes e Xuventude, o Concelleiro delegado da área de Economía, Facenda, Contratación, Réxime Interior e Desenvolvemento Económico e o

Coordinador de actividades culturais e educativas e a Memoria Valorada anexa ao referido documento asinada por este último para a adxudicación do Contrato Menor para o alugueiro, montaxe e anclaxe a superficie e desmontaxe dunha carpa a dúas augas de 15x20 metros no patio exterior do CEIP Graxal (TEDEC 2025/C002/000033).

Visto que consta no expediente o documento RC por importe de 8.893,50 € asinado polo interventor accidental en data 28 de outubro de 2025.

Visto que por Providencia do concelleiro Delegado da Area de Economía, Facenda, Contratación, Réxime Interior e Desenvolvemento Económico de data 28 de outubro de 2025 (CVD: SqO2r/eL2oK0K24f4nBi) se dispuxo a publicación no Perfil do contratante do Concello do anuncio do contrato menor do presente expediente por prazo de tres días hábiles desde a referida publicación para a presentación de ofertas coa publicación asimesmo da memoria técnica valorada, anexos e criterios de adxudicación que constan no expediente.

Visto o informe do Coordinador de actividades culturais e educativas, de data 4 de novembro de 2025 (CVD: QyNbcFH+ZC5F2JFmFw7y), no que, entre outras cousas di:

“(…)

En relación co expediente de contrato menor de referencia emítase o seguinte **INFORME**:

Primeiro: Con data 28/10/2025 publicouse na Plataforma de Contratación do Sector Público anuncio de licitación para o expediente 2025/C002/000033 CM urxente para o alugueiro, montaxe con anclaxe a superficie e desmontaxe dunha carpa a dúas augas de 15x20 metros no patio exterior do Ceip Graxal. con un prazo de presentación de ofertas ata o 31/10/2025:

Segundo: O criterio de valoración establecido e o prezo.

Terceiro: Presentaron ofertas as seguintes empresas e procedese a valorar a oferta máis baixa, tal e como se relaciona a continuación:

Empresa	PREZO OFERTADO (IVE incluído)
RIO PRODUCCION Y SERVICIOS INTEGRALES SL	8.058,60 €
CARPAS CK SL	7.955,75 €
CARPAS FACAL SL	8.470,00 €

Cuarto: Vista as ofertas presentadas por 3 licitadores e a documentación presentada polo licitador coa oferta máis ventaxosa , **PROPOÑO:**

Adxudicar o contrato menor para o “CM urxente para o alugueiro, montaxe con anclaxe a superficie e desmontaxe dunha carpa a dúas augas de 15x20 metros no patio exterior do Ceip Graxal.” a CARPAS CK SL co CIF B56171531 por un importe de 6.575,00 euros máis o 21% de IVE, que supón un total 7.955,75 euros (IVE incluído), por ser a empresa que fixo a mellor oferta atendendo ao criterio de valoración establecido.

A empresa CARPAS CK SL aporta a seguinte documentación:

Escritura de elevación a público de natureza societaria

CIF da empresa

Alta no IAE

Certificados de encontrarse ao corrente das obrigas tributarias e coa Seguridade Social na data de presentación da oferta e no momento actual

Impreso de designación bancaria

Certificado de non débedas co concello

(…)”.

Visto o informe desfavorable emitido pola técnico de xestión da administración xeral interina co conforme da secretaria xeral, de data 5 de novembro de 2025 (CVD: ELWe076IWg31CACnLcY9) polo que, entre outras cousas, di:

“(…)

CONSIDERACIÓNS XURÍDICAS

Primeira.- O artigo 118 da Lei 9/2017, do 8 de novembro, de contratos do sector público, pola que se traspoñen ao ordenamento xurídico español as directivas do Parlamento Europeo e do Consello 2014/23/UE e 2014/24/UE, de 26 de febreiro de 2014 (en adiante LCSP), (modificado polo Real decreto-lei 3/2020, de 4 de febreiro) regula o expediente de contratación en contratos menores dispoñendo o seguinte:

“1. Considéranse contratos menores os contratos de valor estimado inferior a 40.000 euros, cando se trate de contratos de obras, ou a 15.000 euros, cando se trate de contratos de subministración ou de servizos, sen prexuízo do disposto no artigo 229 en relación coas obras, servizos e subministracións centralizados no ámbito estatal.

2. Nos contratos menores a tramitación do expediente esixirá a emisión dun informe do órgano de contratación xustificando de maneira motivada a necesidade do contrato e que non se está alterando o seu obxecto co fin de evitar a aplicación dos limiares descritos no apartado anterior.

3. Así mesmo requirirase a aprobación do gasto e a incorporación ao mesmo da factura correspondente, que deberá reunir os requisitos que as normas de desenvolvemento desta Lei establezan.

4. No contrato menor de obras, deberá engadirse, ademais, o orzamento das obras, sen prexuízo de que deba existir o correspondente proxecto cando sexa requirido polas disposicións vixentes. Deberá igualmente solicitarse o informe das oficinas ou unidades de supervisión a que se refire o artigo 235 cando o traballo afecte á estabilidade, seguridade ou estanquidade da obra.

5. O disposto no apartado 2.º deste artigo non será de aplicación naqueles contratos cuxo pago se verifique a través do sistema de anticipos de caixa fixa ou outro similar para realizar pagos menores, a condición de que o valor estimado do contrato non exceda de 5.000 euros.

6. Os contratos menores publicaranse na forma prevista no artigo 63.4.” Polo que atinxe a súa duración, o artigo 29.8 do dito texto legal establece que os contratos menores non poderán ter unha duración superior a un ano nin ser obxecto de prórroga.”

No Concello de Cambre, ademais da regulación citada, cómpre ter en conta a contida nas bases de execución do presuposto, que establece outros requisitos adicionais.

Así, a base 26.2, que regula a tramitación dos contratos menores e as normas ás que se debe atender, establece, ademais da necesaria incorporación do documento contable de retención de crédito, que:

“/.../...)Deberá xustificarse que non se está alterando o obxecto do contrato para evitar a aplicación das regras xerais de contratación. Dito extremo haberá de ser informado por parte do xefe da área tramitadora do expediente de contrato menor. Se non se cumpre este requisito a contratación será obxecto de reparo suspensivo pola intervención municipal”.

Por outra banda, o artigo 65 da LCSP dispón, á hora de regular a capacidade para contratar, que só poderán contratar co sector público as persoas naturais e xurídicas, españolas ou estranxeiras, que teñan plena capacidade de obrar, non estean incursas en prohibición de contratar, e acrediten a súa solvencia económica, financeira e técnica ou, nos casos en que así o esixa a lei, se atopen debidamente clasificadas.

Engade o parágrafo segundo do dito artigo que os contratistas deberán contar, así mesmo, coa habilitación empresarial ou profesional que, no seu caso, sexa esixible para a realización das prestacións que constitúan o obxecto do contrato.

Especificamente, para os contratos menores o artigo 131.3 da LCSP preceptúa que “3.Los contratos menores podrán adjudicarse directamente a cualquier empresario con capacidad de obrar y que cuente con la habilitación profesional necesaria para realizar la prestación, cumpliendo con las normas necesarias en el artículo 118”

O artigo 30.3 da LCSP establece que a prestación de servizos realizarase normalmente pola propia Administración polos seus propios medios podendo non obstante, cando careza de medios suficientes, logo da debida xustificación no expediente, contratar de conformidade co establecido no Capítulo V do Título II do Libro II da dita Lei; no mesmo senso o artigo 116 da antedita lei que establece no seu punto 4.f) que no expediente se xustificará adecuadamente, nos contratos de servizos, o informe de insuficiencia de medios.

Os órganos de fiscalización externos e os órganos consultivos son reiterativos en limitar a utilización dos contratos menores só para satisfacer necesidades puntuais e esporádicas, concretas e perfectamente definidas e urxentes.

O obxectivo da nova regulación dos contratos menores da lei é reconducir o contrato menor a situacións excepcionais. As

características das prestacións que poden ser contratadas mediante contratos menores deberán satisfacer necesidades puntuais e esporádicas, concretas, perfectamente definidas e urxentes. A sensu contrario, non poden utilizarse os contratos menores para atender necesidades periódicas e previsibles.

A oficina independente de Regulación e supervisión da contratación, na Instrución 1/2019, de 28 de febreiro, sinala, entre outras cousas, que "Así, la propia Ley, reduce la contratación directa a situaciones extraordinarias".

A instrucción anteriormente citada da OIRESCON sinala no seu apartado II que "De acuerdo con el principio de competencia y como medida antifraude y de lucha contra la corrupción, el órgano de contratación solicitará, al menos, tres presupuestos, debiendo quedar ello suficientemente acreditado en el expediente. Si las empresas a las que se les hubiera solicitado presupuesto declinasen la oferta o no respondiesen al requerimiento del órgano de contratación, no será necesario solicitar más presupuestos.

Las ofertas recibidas así como la justificación de la seleccionada formarán, en todo caso, parte del expediente. De no ser posible lo anterior, deberá incorporarse en el expediente la justificación motivada de tal extremo".

E o Consello de Contas de Galicia no informe especial de fiscalización de comunicacións de 25 de xaneiro de 2023 indica respecto da contratación menor, entre outras cousas, que : "(.../....) E incluso en relación a estas, debiera promoverse la inclusión en la normativa interna del fomento de la concurrencia en la adjudicación de los contratos menores mediante la publicación electrónica de anuncios de licitación en la línea de las recomendaciones del Código Europeo de Buenas Prácticas para facilitar el acceso de las PYMES a los contratos públicos para garantizar la efectiva transparencia y concurrencia de la contratación pública.
(.../....)"

No suposto examinado, coa contratación a que se fai referencia no presente expediente, estanse a satisfacer necesidades puntuais e esporádicas, concretas e ben definidas que non se tratan de necesidades periódicas e previsibles ao tratarse dunha situación sobrevida, puntual e inesperada (a caída dun cascote de formigón na pista de xogo do polideportivo municipal do Graxal e posterior detección de deficiencias nas viguetas da cuberta que supoñen risco de novos desprendementos).

Dito o anterior, non consta xustificado o prezo do contrato sendo o mesmo un elemento esencial do mesmo.

Por outra banda, o prezo que figura na memoria valorada non se corresponde co que figura na proposta e memoria de necesidade asinada polo Concelleiro delegado da Área de Turismo, Patrimonio, Sanidade, Deportes e Xuventude, polo Concelleiro delegado da área de Economía, Facenda, Contratación, Réximen Interior e Desenvolvemento Económico e polo Coordinador de cultura, deporte, xuventude e educación, constando na primeira delas un orzamento por prezos unitarios desglosados por prazos e na proposta e informe de necesidade un único orzamento base de licitación non desagregado e circunscrito a prazo concreto algún. As ofertas formuladas polos licitadores se refiren a este orzamento base de licitación non desagregado polo que se deixa nunha indefinición absoluta o custo, o prezo e o prazo do contrato.

CONCLUSIÓN:

En atención ao exposto, infórmase **desfavorablemente** o expediente relacionado neste informe, que consta na plataforma TEDeC co número 2025/C002/000033.

Lémbrese, unha vez máis, o informado pola secretaria xeral en anteriores ocasións, verbo da necesidade de regularizar sen demora os contratos que se prestan actualmente en precario, algúns declarados nulos de pleno dereito, polo que, a criterio da que subscribe procedería priorizar a tramitación destes con carácter preferente a outros relativos a prestacións que non teñen carácter de servizos básicos.

Por outra banda, lembrar tamén que o Consello Consultivo de Galicia, no seu ditame 236/2025, de 31 de xullo de 2025, entre outros, sinala que "(...)Seguindo esta mesma liña, este órgano consultivo debe advertir de que a revisión de oficio nestes casos non enerva as responsabilidades que poidan derivarse nin tampouco é un procedemento que poida ser utilizado polas Administracións públicas para eludir as regras de contratación pública e orzamentaria ou para converter en habitual e ordinario un modo de actuación ao marxe de ditas regras. De aí que a constatación deste tipo de irregularidades ha de ir necesariamente acompañada da adopción das medidas tendentes a corrixilas e evitalas, o que inclúe tanto a esixencia de eventuais responsabilidades como a debida planificación e previsión das necesidades contratuais e orzamentarias con antelación suficiente para garantir o cumprimento das esixencias legais.

(...)"

Visto o informe de intervención de data 5 de novembro de 2025 (CVD: m/XYmF6Z10JSXmjxyX0p), no que, entre

outras cousas di:

“(…)

INFORME DE EXISTENCIA DE CRÉDITO AXEITADO E SUFICIENTE

PRIMEIRO.- Dacordo cós datos dispoñibles a data de hoxe na contabilidade municipal do ano 2025 esta Intervención informa que existe crédito axeitado e suficiente ata a cuantía máxima de **8.893,50 €** para o obxecto denominado “**RC para o alugueiro, montaxe con anclaxe a superficie e desmontaxe dunha carpa a dúas augas de 15x20 metros no CEIP GRAXAL**”. O crédito en cuestión se atopa na fase contable **RC** cós **números de operación e números de referencia sinalados nos antecedentes deste informe.**

SEGUNDO.- A base 26ª das de execución do orzamento prorrogado 2024, do Concello de Cambre dispón:

“(…)

2. Con respecto á tramitación de expedientes de contratos menores, atenderase ás seguintes normas:

(…)

Deberá xustificarse que non se está alterando o obxecto do contrato para evitar a aplicación das regras xerais de contratación. Dito extremo haberá de ser informado por parte do xefe da área tramitadora do expediente do contrato menor. Se non se cumpre este requisito a contratación será obxecto de reparo suspensivo pola intervención municipal.(…)”

No expediente 2025/C002/000033 consta documento denominado *PROPOSTA E INFORME DE NECESIDADE - OBRA*, asinado o 17.10.2025 polo coordinador da área de cultura e educación coa conformidade do concelleiro delegado da área de Cultura, Deportes e Xuventude e do concelleiro delegado da Área de Economía, Facenda, Contratación, Réxime Interior e Desenvolvemento Económico (CVD: iWPvpEo3kVegdyBjClIv) nos seguintes termos:

“(…) 4. XUSTIFICACIÓN DE QUE A CONTRATACIÓN PRETENDIDA NON SUPÓN UN FRACCIONAMENTO DO OBXECTO DO CONTRATO PARA EVITAR A APLICACIÓN DAS NORMAS XERAIS DA CONTRATACIÓN:

Non é intención deste servizo fraccionar o contrato coa finalidade de diminuír a contía do mesmo nin eludir os requisitos de publicidade, nin os relativos ao procedemento de adxudicación que correspondan. Empleamos este procedemento dado que a realización deste servizo non se pode dilatar no tempo sendo unha situación sobrevida e puntual.

O que se fai constar a teor do establecido no artigo 118.3 da Lei 9/2017, do 8 de novembro, de contratos do sector público e Base vixésimo quinta do orzamento.

Visto que o concello non dispón dos medios humanos necesarios para realizar o traballo, considérase necesario a contratación dunha empresa externa para a súa realización, considerando que a actuación que se pretende contratar é adecuada para o fin perseguido. (.../...)”

Tendo en conta a delegación de atribucións da Alcaldía a prol da Xunta de Goberno Local efectuada mediante Resolución número 391/2025, do 30 de abril, proponho á Xunta de Goberno Local a adopción do seguinte **ACORDO:**

Primeiro.- Autorizar o gasto por importe de sete mil novecentos cincuenta e cinco euros con setenta e cinco céntimos (7.955,75 €) con cargo á partida 342 22199 do orzamento en vigor.

Segundo.- Adxudicar o contrato menor de alugueiro, montaxe e desmontaxe dunha carpa a dúas augas de 15x20 metros no patio exterior do Ceip Graxal a entidade mercantil “CARPAS CK, S.L” co CIF B-56171531 por importe máximo de 7.955,75 euros (IVE incluído).

Terceiro.- Designar responsable do contrato ao Coordinador de actividades culturais e educativas a quen corresponde supervisar a súa execución e adoptar as decisións e ditar as instrucións necesarias co fin de asegurar a correcta realización da prestación pactada.

Cuarto.- Notificar o acordo ao adxudicatario, para que execute o contrato nas condicións acordadas, con incorporación da correspondente factura, unha vez conformada polo responsable do contrato.

Quinto: Dar traslado da presente resolución, a través da plataforma de administración electrónica TEdC, á intervención municipal para a súa constancia e para os efectos oportunos e ó responsable do contrato.

Sexto: Publicar este acordo nos termos establecidos nos artigos 63.4 e 346.3 da Lei 9/2017, do 8 de novembro, de contratos do sector público, e artigo 8.1 a) da Lei 19/2013, do 9 de decembro, de transparencia, acceso á información pública e bo goberno.

De conformidade co establecido no artigo 114 da Lei 39/2015, do 1 de outubro, do procedemento administrativo común das administracións públicas, o presente proposta pon fin á vía administrativa, polo que, a teor do establecido nos artigos 112 e 123 da citada lei, poderá recorrerse potestativamente en reposición ou impugnalo directamente ante a xurisdición contencioso-administrativa.

O prazo para interpoñer o recurso de reposición é dun mes a contar dende o día seguinte á recepción desta notificación e deberá presentalo ante o señor alcalde (artigo 124 da Lei 39/2015 e artigo 21.1 k) da Lei 7/1985, do 2 de abril, reguladora das bases do réxime local).

O prazo para interpoñer o recurso contencioso-administrativo é de dous meses a contar dende o día seguinte á recepción desta notificación e deberá presentalo perante o Xulgado do Contencioso Administrativo da Coruña ou a Sala do Contencioso-Administrativo do Tribunal Superior de Xustiza de Galicia (segundo a distribución competencial establecida nos artigos 8 e 10 da Lei 29/1998, do 13 de xullo, reguladora da xurisdición contencioso-administrativa), todo isto sen prexuízo de que poida exercitar, de ser o caso, calquera outro recurso que estime procedente.»

Non producíndose intervencións a Presidencia somete a votación ordinaria a proposta do concelleiro delegado da Área de Economía, Facenda, Contratación, Réxime Interior e Desenvolvemento Económico de data 5 de novembro de 2025 (CVD: F6Vtl+EyUp8vRcVdJqYv), resultando aprobada por unanimidade dos/as Sres./a concelleiros/a asistentes á sesión, polo que devén en acordo nos termos anteriormente transcritos.

2. PROPOSTA RELATIVA Á ADXUDICACIÓN DOS LOTES 2 E 6 DO EXPEDIENTE DE CONTRATACIÓN DA “SUBMINISTRACIÓN POR LOTES DE MATERIAL DE CONSTRUCCIÓN PARA A BRIGADA DE OBRAS MUNICIPAL DO CONCELLO DE CAMBRE” E DECLARACIÓN DE DESERTO DOS LOTES 1, 3, 4 E 5. EXPEDIENTE NÚM. 2025/C005/000002

A Presidencia somete a debate e consideración da Xunta de Goberno Local a proposta do concelleiro delegado da Área de Economía, Facenda, Contratación, Réxime Interior e Desenvolvemento Económico de data 6 de novembro de 2025 (CVD: 3eQ3Hf2XxaeqzyarY05m), que transcrita di:

«PROPOSTA DO CONCELLEIRO DELEGADO DA AREA DE ECONOMÍA, FACENDA, CONTRATACIÓN, RÉXIME INTERIOR E DESENVOLVEMENTO ECONÓMICO PARA A XUNTA DE GOBERNO LOCAL

Visto o expediente de contratación para a adxudicación do contrato para a “Subministración por lotes de material de construción para a brigada de obras municipal do Concello de Cambre” (expediente TEDEC nº 2025/C005/000002).

Vista as actas das Mesas de Contratación de data 2 de setembro de 2025 (CVD: ucfErd5loQRkQO83H2YS) e de data 15 de outubro de 2025 (CVD: Mf7cALSHERZtCh2mke05).

Vista a documentación aportada polo licitador proposto como adxudicatario.

Visto o informe da técnico de xestión da administración xeral interina, co conforme da secretaria xeral, de data 17 de outubro de 2025 (CVD: WGgQsRiXCNVc4nfx/qJs) no que se informa desfavorablemente a adxudicación polos motivos nel expostos.

Visto o informe de intervención de data 24 de outubro de 2025 (CVD: MTUGlSi6GM9+2dm7+m79), no que se emite un reparo suspensivo e no que, entre outras cousas, informouse de que:

“(…)

O presente expediente foi obxecto de fiscalización previa mediante informe da Intervención Municipal de data 15 de xullo de 2025 CVD: YQVWwojwDQ+tb+T0n6aH, ao cal me remito.

O resultado da fiscalización realizada foi: fiscalizado con reparos coa advertencia de que DE NO SER SUBSANADOS TERÍAN CARÁCTER SUSPENSIVO (a excepción do X.B) NA FASE DE ADXUDICACIÓN (art. 216.2 c) TRLFL).*

Unha vez constatado que os citados reparos non foron subsanados, emítese reparo suspensivo polos motivos indicados no informe de intervención de data 15 de xullo de 2025 CVD: YQVWwojwDQ+tb+T0n6aH, ao abeiro do disposto no artigo 216.2 c) TRLFL.

…”

Visto o informe emitido polo enxeñeiro técnico de obras públicas interino, de data 4 de novembro de 2025 (CVD: vARphROAeuXRHliim5M/) no que concluiu, tras o exposto no mesmo que “...Con lo expuesto en este informe, y dentro de las competencias técnicas propias del técnico que suscribe, se consideran debidamente justificados los reparos del informe de Intervención de 15/07/2025, y por lo tanto los reparos suspensivos del informe de Intervención de 24/10/2025, concluyendo que el PPTP y demás documentación técnica que consta en el expediente de contratación elaborados por los técnicos de esta Sección, definen suficientemente las especificaciones técnicas para la tramitación, adjudicación y ejecución del contrato del suministro por lotes de material de construcción para la Brigada de Obras Municipal del Ayuntamiento de Cambre, de acuerdo con lo regulado en los artículos de la LCSP...”.

Vista a resolución de Alcaldía, de data 5 de novembro de 2025 (CVD: wIK+xmyb4D2lsJOUUnY4j) pola que se levantou o reparo suspensivo con base no informe do enxeñeiro de obras públicas de 4 de novembro de 2024 e se dispuxo a continuación do procedemento para adxudicación do expediente de contratación.

Vista a delegación de atribucións da Alcaldía a prol da Xunta Local efectuada mediante Resolución número 391/2025, do 30 de abril, propoño a Xunta de Goberno Local a adopción do seguinte **ACORDO**:

Primeiro: Declarar válida a licitación admitindo nela as entidades mercantis “CANARGA, S.L” CIF B15360902, (Lote 2 “Suministro de aglomerado asfáltico en frío suministrado a granel en sacas tipo big-bag de 1 tn.”) e a “SUMINISTRO INTEGRAL DEL AGUA, S.L” con CIF B36456796 (Lote 6.- “Suministro de tapas, marcos, canaletas prefabricadas con rejilla y tuberías de PVC SN4 / SN8”).

Segundo: De conformidade coa proposta formulada con data 2 de setembro de 2025 (CVD: ucfErd5loQRkQO83H2YS) no presente expediente, aprobar a seguinte valoración das proposicións presentadas polos licitadores admitidos nos diferentes lotes do procedemento:

-LOTE 2 “Canarga, S.L.” 100 puntos.

-LOTE 6 “Suministro Integral del Agua, S.L.” 100 puntos.

Terceiro.- Adxudicar o Lote 2.- “Suministro de aglomerado asfáltico en frío suministrado a granel en sacas tipo big-bag de 1 tn.”, a favor da entidade mercantil “Canarga, S.L.”, no prezo unitarios ofertados que seguen:

Suministro de aglomerado asfáltico en frío suministrado a granel en sacas tipo big - bag de 1 tn	Precio unitario
Aglomerado asfáltico en frío, tipo AF-5 (tonelada)	230,00 €
Emulsión bituminosa catiónica con ligante modificado con polímeros, en garrafas de 20 l (unidad)	40,00 €

Cuarto.- Adjudicar o Lote 6.-“Suministro de tapas, marcos, canaletas prefabricadas con rejilla y tuberías de PVC SN4 / SN8” a favor da entidade mercantil “Suministro Integral del Agua, S.L.”, nos seguintes prezos unitarios ofertados:

Suministro de tapas, marcos, canaletas prefabricadas con rejilla y tuberías PVC SN4 / SN8	Precio unitario
Tapa circular diámetro 600 mm. Cierre antirrobo (unidad)	57,74 €
Tapa circular diámetro 600 mm. Junta elástica (unidad)	38,67 €
Tapa-marco cuadrada 30x30 cm (unidad)	14,54 €
Tapa-marco cuadrada 40x40 cm (unidad)	40,49 €
Tapa-marco cuadrada 50x50 cm (unidad)	61,01 €
Tapa-marco cuadrada 60x60 cm (unidad)	118,50 €
Rejilla-marco-sumidero 40x40 cm (unidad)	29,72 €
Rejilla-marco-sumidero 60x35 cm (unidad)	25,55 €
Canaleta prefabricada ancho 20 cm (metro)	55,84 €
Rejilla continua (m ²)	492,24 €
Tubo PVC SN4 Ø160 mm (metro)	5,53 €
Tubo PVC SN4 Ø200 mm (metro)	8,51 €
Tubo PVC SN4 Ø250 mm (metro)	20,01 €
Tubo PVC SN4 Ø315 mm (metro)	20,57 €
Tubo PVC SN4 Ø400 mm (metro)	33,78 €
Tubo PVC SN4 Ø500 mm (metro)	55,23 €
Tubo PVC SN4 Ø630 mm (metro)	84,72 €
Tubo PVC SN4 Ø800 mm (metro)	275,10 €
Tubo PVC SN8 Ø160 mm (metro)	7,75 €
Tubo PVC SN8 Ø200 mm (metro)	11,59 €
Tubo PVC SN8 Ø250 mm (metro)	20,68 €
Tubo PVC SN8 Ø315 mm (metro)	31,36 €
Tubo PVC SN8 Ø400 mm (metro)	50,46 €
Tubo PVC SN8 Ø500 mm (metro)	80,56 €
Tubo PVC SN8 Ø630 mm (metro)	135,07 €

Tubo PVC SN8 Ø800 mm (metro)	282,21 €
Tubo PVC dren SN4 Ø160 mm (metro)	8,50 €
Tubo PVC dren SN4 Ø250 mm (metro)	21,81 €

Quinto.- Designar como responsable del contrato a Francisco Manuel López Álvarez, capataz de la brigada de obras, de conformidade co establecido no artigo 62.2 da LCSP, polo que lle corresponderá o labor de supervisar a súa execución e adoptar as decisións e ditar as instrucións necesarias co fin de asegurar a correcta realización da prestación prestada.

Sexto.- Declarar desertos, por falta de licitadores, os lotes que a continuación se relacionan:

- Lote 1.- Suministro de aglomerado asfáltico en frío suministrado a granel
- Lote 3.- Suministro de formigón HM-150, HM.20, HA-20 y HA-35
- Lote 4.- Suministro de cementos, áridos, azulexos/baldosas cerámicas, ladrillos, taboeiros fenólicos e maia electrosoldada
- Lote 5.- Suministro de prefabricados de formigón

Séptimo.- Dar traslado deste acordo, a través da plataforma TEDeC, ao responsable do contrato e ao departamento de intervención para o seu coñecemento e aos efectos oportunos.

Octavo.- Notificar este acordo aos licitadores presentados e publicar este acordo de adxudicación no Perfil do Contratante do Concello de Cambre, aloxado na Plataforma de Contratación do Sector Público do Estado (<https://contrataciondelestado.es>).

Este acordo está suxeito a recurso especial en materia de contratación, que poderá interpoñerse, no prazo de quince días hábiles, a partir do día seguinte a aquel en que se notificou esta de conformidade co disposto na disposición adicional décimo quinta aos candidatos ou licitadores que fosen admitidos no procedemento [artigo 50.1.e) da LCSP], por calquera persoa física ou xurídica cuxos dereitos ou intereses lexítimos, individuais ou colectivos se viron prexudicados ou poidan resultar afectados, de maneira directa ou indirecta, polas decisións obxecto de recurso, sendo competente para resolvelo o Tribunal Administrativo de Contratación Pública da Comunidade Autónoma de Galicia.»

Non producíndose intervencións a Presidencia somete a votación ordinaria a proposta do concelleiro delegado da Área de Economía, Facenda, Contratación, Réxime Interior e Desenvolvemento Económico de data 6 de novembro de 2025 (CVD: 3eQ3Hf2XxaeqzyarY05m), resultando aprobada por unanimidade dos/as Sres./a concelleiros/a asistentes á sesión, polo que devén en acordo nos termos anteriormente transcritos.

E non existindo máis asuntos dos que tratar, a Presidencia levanta a sesión, sendo as trece horas e trinta e nove minutos do mencionado día, estendéndose para a debida constancia a presente acta, do que eu, secretaria xeral, dou fe.

Visto e prace

O presidente

Rubén Vázquez Pérez

A secretaria xeral

Pilar María Pastor Novo